
ФАРҒОНА ВИЛОЯТИ ҲАМДА ЯПОНИЯНИНГ ОСАКА ПРЕФЕКТУРАСИ ЎРТАСИДА ҲАМКОРЛИК АЛОҚАЛАРИ ЎРНАТИЛДИ

Японияда бўлиб турган вилоят ҳокимининг ўринбосари Файзулло Қосимов бошчилигидаги вилоятимиз делегацияси аъзолари Кунчиқар мамлакатнинг Осака префектурасида бўлиб, вице-губернатор Нобухико Ямагучи билан учрашдилар.

Учрашувда Фарғона ва Осака ўртасида кўп томонлама ҳудудлараро ҳамкорлик ўрнатиш имкониятлари муҳокама қилинди, таълим, шунингдек, савдо-иқтисодий, маданий-гуманитар ва бошқа соҳаларда икки томонлама манфаатли алоқалар ўрнатиш юзасидан фикр алмашилди.

Шунингдек, учрашув давомида Осака префектураси таълим бошқармаси раҳбари Хашимито Масаси билан Япония таълим тизимининг илғор тажрибаларини вилоятимиз мактабларида жорий этиш юзасидан ҳамкорлик бўйича келишувларга эришилди.

Фарғона вилояти ҳокимлигига Япония таълим тизимида катта тажрибага эга бўлган мутахассисни таълим бўйича маслаҳатчи лавозимига жалб этиш бўйича билдирилган таклиф Осака раҳбарияти томонидан ижобий қаршиланди. Ушбу мутахассиснинг вазифаси ўз билим ва тажрибаларидан келиб чиқиб, вилоятимизда халқ таълими соҳасини ривожлантириш бўйича таклифлар ишлаб чиқиш, педагоглارимиз малакасини ошириш бўйича тренинглар ўтказишдан иборат бўлади.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2022-06-15 20:51:53